

Canllawiau Ariannu 2021/22

Diweddarwyd: Hydref 2021

Nod y ddogfen hon yw dweud wrthy ch am ein nod, ein gwerthoedd a'n meini prawf ariannu fel y gallwch benderfynu a ydych chi a'ch gwaith yn gymwys i gael grant. Darllenwch yr holl wybodaeth o fewn y canllawiau hyn gan gynnwys y meini prawf cyffredinol, yn ogystal â'r meini prawf categorï-benodol.

Os hoffech wneud cais, edrychwch ar ein gwefan: www.ellerman.org.uk/apply-for-funding/what-we-fund i gael rhagor o wybodaeth am y grantiau a wnawn a sut i wneud cais. Os oes gennych chi unrhyw ymholiadau ychwanegol, mae croeso i chi gysylltu ag aelod o'r tîm.

Cynnwys

1. Ein nod a'n gwerthoedd
2. Ein meini prawf
3. Yr hyn yr ydym yn chwilio amdano mewn cais
4. Y categorïau
 - Celfyddydau: Creawdwyr a Churaduron
 - Amgylchedd: Pobl a'r Blaned
 - Gweithredu Cymdeithasol: Hyrwyddo Newid
5. Yr hyn nad ydym yn ei ariannu
6. Cwestiynau cyffredin
7. Sut i wneud cais

1. Ein nod a'n gwerthoedd

Ein nod

Ein nod yw hyrwyddo lles pobl, cymdeithas a'r byd naturiol drwy ganolbwyntio ar y celfyddydau, yr amgylchedd a gweithredu cymdeithasol. Credwn y gall y meysydd hyn wneud cyfraniad pwysig i les.

Ein gwerthoedd

Mae ein gwerthoedd yn adlewyrchu sut rydym yn gweithio. Rydym yn ariannwr **ymatebol**, yn gwrando ac yn ymateb i'r hyn mae ymgeiswyr yn barnu sy'n bwysig.

Rydym wedi datblygu canllawiau ariannu, sy'n ein galluogi i fod yn **graff** yn ein penderfyniadau ynghylch pwy a beth i'w gefnogi.

Rydym yn gwerthfawrogi ein perthnasoedd ac yn ceisio cael **cyffyrddiad personol**. Mae ein Hymddiriedolwyr yn cymryd rhan ar bob cam o gais, ac rydym bob amser yn ymweld neu'n cyfarfod ag ymgeisydd cyn i grant gael ei wneud.

Mae'n well gennym fod yn **gysylltiedig** ac rydym mewn cysylltiad rheolaidd â chydweithwyr a phartneriaid perthnasol yn y byd elusenol. Rydym hefyd yn hoffi cadw mewn cysylltiad â'r sawl sy'n derbyn grantiau, gan eu cynnull a'u cysylltu gyda'r naill a'r llall o bryd i'w gilydd.

Rydym yn barod i fod yn **hyblyg**, a gallwn fentro y tu allan i'n meini prawf ariannu os credwn y byddai dull gweithredu gwahanol yn fwy effeithiol.

2. Meini prawf sy'n berthnasol i'n holl gyllid

Rydym yn derbyn llawer mwy o geisiadau nag y gallwn eu cefnogi, felly mae'n rhaid i ni fod yn ddetholus. Yn 2020/21, cawsom 251 o geisiadau ac roedd 168 ohonynt yn gymwys. Cymerwyd 42% o'r ceisiadau cymwys i'r ail gam. O'r 70 o ymgeiswyr a wahoddwyd i gyflwyno cynnig llawn, gwrthodwyd chwech, sy'n cynrychioli cyfradd llwyddiant o 91% ar yr ail gam. Rydym yn chwilio am waith sy'n cael effaith fawr ac sy'n sicrhau newid cadarnhaol neu fanteision hirdymor. Gall hyn gynnwys dulliau gweithredu profedig yn ogystal â ffyrdd newydd o weithio.

Gofynnwn i sefydliadau sy'n gwneud cais i ni fodloni'r ddau faen prawf canlynol, sy'n berthnasol i bob cais ym mhob un o'n tri maes diddordeb:

1 Sefydliadau

Rydym yn blaenoriaethu elusennau sydd wedi'u cofrestru yn y DU gydag incwm rhwng £100,000 a £10m. Mae'r ffocws hwn yn ein galluogi i ddefnyddio ein gallu a'n hadnoddau drwy gefnogi sefydliadau sydd wedi'u sefydlu a'u profi yn y gwaith maen nhw'n ei wneud. Os yw eich incwm yn fwy na hyn, byddwn ond yn ystyried grant os ydych mewn sefyllfa unigryw i helpu i gyflawni ein hamcanion ariannu. Rydym yn galw hyn yn brawf 'dim ond nhw all ei wneud'. Os yw eich incwm yn is na hyn, yna byddem yn disgwyl gweld tystiolaeth glir bod eich sefydliad wedi rheoli trosiant o £100,000 o'r blaen, neu ar y trywydd iawn i wneud hynny'n fuan.

2 Arwyddocâd cenedlaethol

Rydym am i'n harian wneud gwahaniaeth, gydag effaith mor eang â phosibl. Gall hyn olygu creu celf o'r safon uchaf; gweithio ar draws ardal ddaearyddol eang; neu rannu, ehangu neu ailadrodd mentrau llwyddiannus. Rydym hefyd yn cydnabod y gallai fod angen newid y system, a thrwy ddylanwadu ar bolisi, ymgyrchu neu fabwysiadu dulliau eraill sy'n fwy pellgyrhaeddol a manteision tymor hwy.

Gall arwyddocâd cenedlaethol edrych yn wahanol ym mhob un o'n categorïau:

- *Celfyddydau* – mae gan greu gwaith newydd ynddo'i hun y potensial i greu gwaddol cenedlaethol neu ryngwladol i ysbrydoli eraill. Mae defnyddio rhagoriaeth fel maen prawf allweddol wedi'i gynllunio i gryfhau ac ehangu effaith, gan ddangos arwyddocâd y DU gyfan. Gall partneriaethau, boed yn draws-gelfyddydol, yn draws-sector neu'n ddaearyddol, hefyd wella'r arwyddocâd hwn, a gall teithio gyfrannu at ôl troed cenedlaethol.
- *Yr amgylchedd* – mae gan rai rhywogaethau, cynefinoedd a/neu ecosystemau arwyddocâd cenedlaethol oherwydd eu prinder cymharol a/neu'r manteision ('gwasanaethau ecosystem') maen nhw'n eu darparu i bobl a chymunedau. Mae rhai sefydliadau'n byw mewn cilfach genedlaethol, nodedig; fel arall, gall y mater yr ymdrinnir ag ef fod yn berthnasol i'r cyfan neu ran helaeth o'r DU. Rydym hefyd o'r farn bod bioamrywiaeth Tiriogaethau Tramor y DU o bwysigrwydd cenedlaethol a/neu ryngwladol.
- *Gweithredu Cymdeithasol* – rydym yn ceisio cefnogi sefydliadau y mae eu gwaith wedi'i wreiddio mewn profiad ymarferol ac wedi'i gymhwyso ar lefel genedlaethol neu lefel y DU. Gallai'r arwyddocâd hwn ddeillio o bwysigrwydd y pwnc sy'n cael sylw neu'r dull a ddefnyddir.

Mae rhagor o wybodaeth am ein dull o ariannu gwaith yng Nghymru, Lloegr, yr Alban a Gogledd Iwerddon yn yr adran Cwestiynau Cyffredin, yn ddiweddarach yn y ddogfen hon.

Yr hyn rydyn ni'n edrych amdano:

- *Effeithiolrwydd ac effaith* – gallai hyn olygu dealltwriaeth dda o'r anghenion sy'n cael eu diwallu a'r ffordd orau o fynd i'r afael â nhw; ymwybyddiaeth o sut mae eich gwaith yn ychwanegu gwerth ac yn ymwneud â gwaith pobl eraill ac yn ei ategu; systemau effeithiol i fonitro ac adolygu cynnydd; diwylliant o ddysgu, myfyrio a gwella; a bod yn effro i gyfleoedd i ehangu effaith.
- *Llywodraethu a rheoli cryf* – sefydliad amrywiol a chynrychioliadol sydd â chymwysterau da ac arweinyddiaeth gref ac ysbrydoledig; dealltwriaeth drylwyr a goruchwyliaeth o gyllid ar draws y Bwrdd a'r tîm arweinyddiaeth; ac ymwybyddiaeth o gryfderau a gwendidau'r sefydliad.
- *Partneriaethau* – gallai hyn olygu sefydliadau sydd wedi'u cysylltu'n dda, deall sut maen nhw'n ffitio o fewn eu byd, a gweithio'n dda gydag eraill perthnasol.

Mae **cyllid craidd** wedi bod yn arwyddnod ac yn ddewis i ni ers tro, ond rydyn ni hefyd yn hapus i wneud grantiau ar gyfer prosiectau neu raglenni. Cyllid craidd yw cyllid sy'n mynd tuag at gostau craidd cyflawni gwaith sefydliad. Gallai'r costau hyn gynnwys:

- cyflogau, hyfforddiant a threuliau staff
- costau a gweithrediadau rhedeg o ddydd i ddydd
- monitro a gwerthuso
- cyfathrebu ac arloesi digidol.

Os yw'r rhan fwyaf neu'r cyfan o'r gweithgaredd mae eich sefydliad yn ymgymryd ag ef yn cyd-fynd â'r canllawiau categori perthnasol, gallwch wneud cais am gyllid craidd anghyfyngedig, ond os mai dim ond rhai o'ch gweithgareddau sy'n berthnasol i'n categorïau, yna dylid cyfeirio'r cais am gyllid yn amlwg at y gwaith sy'n berthnasol i'r categori dan sylw. Dylai pob ymgeisydd ddangos angen am gyllid ac ni ddisgwylir iddo gadw gormod o arian wrth gefn, h.y. cronfeydd heb eu gwario a heb gyfyngiad.

3. Ein categorïau

CELFYDDYDAU: Creawdwyr a Churaduron

Ein nod

Credwn fod gan y celfyddydau a diwylliant y potensial i gyfoethogi a thrawsnewid bywydau, ac rydym yn cydnabod ei werth cynhenid a'i effeithiau unigryw. Byddwn yn ariannu sefydliadau sy'n meithrin, yn magu ac yn comisiynu'r bobl hynny sy'n gwneud ac yn curadu gwaith.

Yr hyn rydyn ni'n ei ariannu

Rydym yn canolbwyntio ein cyllid Celfyddydau o dan ddau bennawd ar wahân:

1. **Creawdwyr yn y celfyddydau perfformio** – rydym yn canolbwyntio ar greu gwaith o'r safon uchaf o bwys cenedlaethol, drwy ariannu sefydliadau sy'n cydweithio â, comisiynu neu gefnogi artistiaid fel arall i greu gwaith newydd neu wedi'i ail-ddychmygu. Rydym yn blaenoriaethu ymgeiswyr o'r tu allan i'r brifddinas, ond rydym yn ystyried y rhai sydd wedi'u lleoli yn Llundain lle byddai'r cynnig yn dod â manteision sylweddol mewn mannau eraill. (*Gall sefydliadau wneud cais ar unrhyw adeg o dan y pennawd hwn.*)
2. **Curaduron amgueddfeydd ac orielau y tu allan i Lundain** – ein nod yw cryfhau'r sefydliadau hynny sy'n canolbwyntio ar ddefnyddio sgiliau curadurool i ddenu cyhoedd ehangach. (*Mae hon yn rhaglen flynyddol gyda'i chanllawiau ariannu a'i phroses gwneud penderfyniadau ei hun; gweler ein gwefan website: www.ellerman.org.uk/apply-for-funding/museums-and-galleries-fund am y wybodaeth ddiweddaraf.*)

Yr hyn rydyn ni'n chwilio amdano yn y celfyddydau perfformio:

Sefydliadau sy'n gwneud rhai o'r canlynol:

- sefydliadau sydd â gwaith newydd neu wreiddiol wrth eu gwraidd
- hanes o gynhyrchu gwaith rhagorol
- syniadau a modelau gweithio cyffrous, ffres a llawn dychymyg
- gwaith rhanbarthol sy'n cael ei werthfawrogi a'i gydnabod yn genedlaethol ac yn rhyngwladol
- integreiddio talent newydd a datblygu artistiaid i'r rhaglen waith artistig (h.y. nid datblygu unigolyn yw prif ffocws neu unig ffocws y sefydliad)
- dealltwriaeth o gynulleidfaoedd gwirioneddol a darpar gynulleidfaoedd a sut mae'r cynlluniau artistig yn berthnasol iddynt.

YR AMGYLCHEDD: Pobl a'r Blaned

Ein nod

Credwn fod amgylchedd iach sy'n gweithio'n dda yn hanfodol i iechyd a gwydnwch pobl a natur. Ein nod yw cyfrannu at fwy o harmoni rhwng pobl a'r blaned, drwy ddiogelu, adfer a gwella'r byd naturiol. Mae gennym ddiddordeb mewn sefydliadau sy'n deall cyd-ddibyniaeth cymunedau, cynefinoedd a rhywogaethau ac sy'n cymhwysu hyn yn eu meddwl a'u harferion. Yn aml, y system sy'n gorfod newid, felly byddwn hefyd yn cefnogi'r rhai sy'n gweithio i ddylanwadu ar y llywodraeth a'r farchnad drwy waith polisi, eiriolaeth ac ymgyrchu.

Yr hyn rydym yn ei ariannu:

Rydym yn canolbwyntio ein cyllid Amgylchedd o dan ddau brif bennawd:

1. **Diogelu'r moroedd**– diogelu ac adfer yr amgylchedd morol, drwy ardaloedd gwarchoddedig sy'n cael eu rheol yn fwy ac yn effeithiol; adfer cefnforoedd; ymgysylltu â chymunedau arfordirol; lleihau gorbysgota a mynd i'r afael ag effeithiau niweidiol eraill gweithgarwch dynol ar y môr, megis llygredd.
2. **Creu lleoedd cyfoethocach a mwy cynaliadwy ar dir** – adeiladu ecosystemau iachach mewn lleoliadau trefol neu wledig, drwy reoli'r ardaloedd hyn yn well; arbrofi â chynefinoedd neu eu cysylltu â'i gilydd; ymyriadau ar raddfa fawr sy'n helpu i adfer lleoedd o arwyddocâd arbennig. Byddwn hefyd yn cefnogi gwaith i leihau neu atal effeithiau niweidiol gweithgarwch dynol, megis newid yn yr hinsawdd, llygredd aer neu ddefnyddio plaladdwyr.

Rydym yn canolbwyntio ar y DU a dyfroedd y DU, ac rydym yn awyddus i gefnogi gwaith yn Diriogaethau Tramor y DU (ar dir ac yn y cefnfor). Ar gyfer gwaith yn y Tiriogaethau Tramor, rydym yn croesawu ceisiadau gan gyrff anllywodraethol yn y DU gyda phartneriaid lleol, gan sefydliadau sydd wedi'u lleoli yn y Tiriogaethau Tramor, neu drwy gyfrwng yn y DU.

Yr hyn rydyn ni'n edrych amdano:

Sefydliadau sy'n gwneud rhai o'r canlynol:

- ceisio gwella'r amgylchedd naturiol
- deall arwyddocâd cynefinoedd ar gyfer lles dynol, yn ogystal ag effaith pobl ar natur
- chwilio am atebion cynaliadwy drwy sicrhau bod bywoliaeth ac anghenion economaidd cymunedau lleol yn cael eu hintegreiddio yn eu meddwl a'u strategaeth
- cydweithio
- gweithio mewn ffordd sy'n seiliedig ar dystiolaeth
- mynd i'r afael ag achosion yn ogystal â symptomau.

GWEITHREDU CYMDEITHASOL: Hyrwyddo Newid

Ein Nod

Ein nod yw helpu i greu cymdeithas gynhwysol lle gall pawb ffynnu, drwy gefnogi sefydliadau sy'n gweithio i greu newidiadau cadarnhaol ar lefel systemig.

Credwn y gall pobl greu newid, a byddwn yn canolbwyntio ar unigolion a sefydliadau yn dod at ei gilydd i fynd i'r afael ag anfantais, rhaniadau ac anghydraddoldeb. Credwn hefyd fod perthnasoedd ystyrion yn ganolog i ymdeimlad cyffredin o hunaniaeth a chymuned. Mae gennym ddiddordeb mewn sefydliadau sy'n rhannu'r credoau hyn ac yn gweithio i sicrhau bod unigolion, grwpiau cymunedol a chyrrff cenedlaethol yn cysylltu â'i gilydd, a bod y llywodraeth a'r asiantaethau sy'n llywio ein bywydau yn gwrando arnynt.

Yr hyn rydyn ni'n ei ariannu

Rydym am gefnogi'r rheini sydd ag uchelgais i sicrhau newid cadarnhaol ar raddfa tra hefyd yn creu manteision i'r rhai sy'n gysylltiedig. Felly, byddwn yn canolbwyntio ein cyllid wrth ar fynd ar drywydd cymdeithas ffyniannus sy'n:

1. ***Gwella systemau drwy bolisi, eiriolaeth ac ymgyrchu*** – drwy adeiladu pontydd rhwng pobl a'r sefydliad drwy greu cyfleoedd ar gyfer cyswllt a deialog; galluogi'r rhai sydd â phrofiad o fater i ddweud eu dweud ar yr hyn sy'n bwysig iddynt; sicrhau bod gweithwyr proffesiynol a'u sefydliadau yn gwrando ac yn ymateb; defnyddio'r cyfathrebu hwn i eirioli neu ymgyrchu dros wella polisiau, arferion a systemau.

a

2. ***Cynnwys y rhai sydd â phrofiad personol o'r mater sy'n cael sylw yn weithredol*** – gan adlewyrchu ein cred bod y rhai sydd agosaf at fater yn ei ddeall orau. Mae hyn yn golygu pobl sydd â phrofiad personol uniongyrchol o broblem, a'r rhai sydd ag arbenigedd a mewnwelediad o weithio ochr yn ochr â nhw. Blaenoriaeth uchel fydd dod o hyd i ffyrdd newydd o fanteisio ar y profiadau a'r sgiliau hyn, a'u cynnwys wrth nodi a gweithio ar y newid maen nhw am ei gyflawni.

Rydym yn disgwyl i amrywiaeth o unigolion a chymunedau sy'n profi amrywiaeth o annhegwch a gwahaniaethu elwa o'n cyllid. O ystyried y cyfnas eang hon, byddwn yn blaenoriaethu gwaith sy'n mynd i'r afael â'r rhwystrau mwyaf sy'n cael eu creu gan anfantais, rhaniadau ac anghydraddoldeb.

Yr hyn rydyn ni'n edrych amdano

Sefydliadau:

- sydd wedi'u gwreiddio mewn profiad ymarferol, yn hytrach na gweithio ar bolisi yn unig
- sydd yn deall yr angen i feithrin hyder a sgiliau pobl fel eu bod yn barod i ymgysylltu ag eraill
- sydd yn gwerthfawrogi, hyrwyddo a dysgu o brofiad y rhai maen nhw'n eu cefnogi
- nad ydynt yn gwingo rhag yr achos amhoblogaidd neu anodd
- sydd ceisio mynd i'r afael ag achosion yn ogystal â symptomau.

4. Yr hyn nad ydym yn ei ariannu

Nid ydym yn ystyried ceisiadau gan **sefydliadau** sydd:

- wedi gwneud cais aflwyddiannus o fewn y 12 mis blaenorol
- yn canolbwyntio ar un maes meddygol, megis clefyd unigol, organ neu gyflwr
- yn ysbytai, hosbisau, ysgolion, colegau neu brifysgolion, oni bai bod y cais yn dod o uned arbenigol prifysgol flaenllaw. Mae rhagor o wybodaeth yn yr adran nesaf (Cwestiynau Cyffredin).

Ni wneir grantiau i nac at unrhyw un o'r **dibenion** canlynol:

- unigolion, gan gynnwys grantiau neu fwrsariaethau myfyrwyr
- apeliadau cyffredinol a gornest gron
- datblygiadau cyfalaf ac eitemau unigol o offer
- hyrwyddo crefydd neu addoldai
- sefydliadau a phrosiectau celfyddydol y mae eu prif ffocws yn cefnogi ac yn datblygu unigolyn, yn hytrach na phan fydd gwaith newydd yn rhan o raglen artistig
- dysgu a chymryd rhan yn y celfyddydau, lle mai dyma brif ffocws y cais
- cynlluniau hamdden neu wyliau unigol
- chwaraeon, lle mae hyn yn greiddiol i weithgareddau'r sefydliad
- addysg, megis mentrau sy'n gysylltiedig â'r cwricwlwm, prosiectau addysgol celfyddydol neu amgylcheddol
- lles anifeiliaid, bridio caeth a chanolfannau achub anifeiliaid
- ymchwil neu driniaeth feddygol, gan gynnwys gwasanaethau adsefydlu cyffuriau ac alcohol
- carchardai a throsteddwyr
- ymgyrchoedd untro
- digwyddiadau untro, megis cynadleddau, triapiau, seminarau, dosbarthiadau meistr, ysgolion haf, comisiynau sengl neu gynyrchiadau.

5. Cwestiynau cyffredin

A wnewch chi gefnogi gwaith sy'n digwydd mewn un wlad yn y DU?

Rydym yn ariannu sefydliadau o unrhyw ran o'r DU y mae eu gwaith yn cael effaith ledled y DU.

Gellir ariannu gwaith sydd wedi'i leoli mewn gwledydd unigol lle:

- Mae'r gwaith o arwyddocâd i'r DU gyfan - gall hyn fod oherwydd y mater y rhoddir sylw iddo, er enghraifft, yr Alban sydd â'r amgylchedd morol mwyaf sylweddol yn y DU, neu oherwydd bod y gwaith mor rhagorol neu arloesol fel y bydd o ddiddordeb a pherthnasedd arbennig mewn rhannau eraill o'r DU; **neu**
- Mae'r gwaith yn cwmpasu mwy nag un wlad yn y DU - a allai fod yn un sefydliad sy'n gweithio ar draws ffiniau neu bartneriaeth o sefydliadau mewn gwahanol wledydd; er enghraifft, byddai gweithgaredd yng Nghymru a Gogledd Iwerddon yn gymwys; **neu**
- Mae'r sefydliad yn gweithio ar draws Lloegr.

Ydych chi'n gwneud grantiau dramor?

Mae ein categori Amgylchedd yn darparu grantiau ar gyfer gwaith yn Nhiriogaethau Tramor y DU, ac ar gyfer prosiectau morol y tu allan i ddyfroedd y DU gan elusennau'r DU. O ran cyllid yn Nhiriogaethau Tramor y DU, hyd yma rydym wedi ariannu cyrff anllywodraethol yn y DU yn unig, ond ar hyn o bryd rydym yn treialu dull sy'n ein galluogi i gefnogi cyrff anllywodraethol wedi'u lleoli yn y Diriogaeth yn uniongyrchol. Bydd y penderfyniadau ynghylch y treial hwn yn cael eu rhoi ar waith yn 2022.

Pryd ydych chi'n ariannu costau craidd a phryd mae'n well gennych ariannu prosiect?

Fel ariannwr ymatebol, rydym yn gwrando ar yr hyn rydych chi o'r farn sy'n bwysig. Ein prif ddiddordeb yw cefnogi sefydliadau y mae eu gwaith yn cyfateb i'n blaenoriaethau ariannu. Credwn mai cyllid craidd fel arfer yw'r cyfraniad mwyaf gwerthfawr y gallwn ei wneud. Os credwch mai grant prosiect fyddai orau, gallwch wneud cais am hynny yn lle.

Rydym yn ymwybodol y bydd grant craidd cymedrol yn cael effaith gyfyngedig ar gyllid sefydliadau mwy. Os yw eich trosiant yn agos at £10m y flwyddyn neu drosodd, efallai y byddai'n well gwneud cais am grant prosiect.

A oes rhaid i gais ffitio mwy nag un o'ch categorïau?

Nid oes rhaid i gais neu grant unigol ymwneud yn uniongyrchol â phob un o dair elfen ein nod – ymwneud â phobl, cymdeithas a'r byd naturiol. Gallai grant amgylcheddol, er enghraifft, ganolbwyntio ar gynefin penodol, gyda'r buddion unigol a chymdeithasol ond yn dod i'r amlwg yn anuniongyrchol neu yn y tymor hwy.

Os ydych chi'n gwneud gwaith sy'n cyd-fynd â mwy nag un o'n categorïau, yna rhaid i geisiadau o'r fath gyfateb yn dda i feini prawf o leiaf un categori, gyda dolen i un arall yn fonws.

Pa fath o waith y gallaf wneud cais amdano o dan y maes creawdwyr yn y celfyddydau perfformio?

Rydym yn tueddu i ariannu sefydliadau sy'n gweithio ym maes dawn, cerddoriaeth, opera a theatr sy'n ymwneud yn uniongyrchol â chreu gwaith newydd neu wedi'i ail-ddychmygu, yn hytrach na gweithio drwy leoliadau partner, gwyliau neu sefydliadau eraill. Weithiau rydym yn ariannu gwyliau am eu bod yn ymrwymo i greu a chyflwyno gwaith newydd neu wedi'i ail-

ddychnmygu sydd â gwaddol y tu hwnt i'r wyl. Yn olaf, ein blaenoriaeth yw cefnogi rhagoriaeth artistig y gwaith, yn hytrach na'i werth addysgol neu ei fudd cymdeithasol – er ein bod yn cydnabod bod y rhain yn fanteision ychwanegol cadarnhaol. Rydym yn disgwyl i ymgeiswyr ddangos eu rhagoriaeth artistig drwy roi tystiolaeth i ni o adborth, gwobrau ac anrhydeddau cadarnhaol gan gynulleidfaoedd ac adolygiadau proffesiynol.

Pryd fyddwch chi'n ariannu ymchwil?

Rydym yn cydnabod y gall ymchwil drylwyr a dadansoddi polisi ddarparu'r dystiolaeth a'r dadleuon i eirioli dros newidiadau pwysig mewn ymarfer. Mae'n well gennym ariannu'r math hwn o waith os yw wedi'i wreiddio mewn profiad bywyd go iawn, yn cynnwys lleisiau'r rhai sy'n cael eu heffeithio, a'i fod yn debygol o wneud gwahaniaeth ymarferol. Wrth ystyried cynigion o'r fath, bydd eich hanes, eich arbenigedd, eich gwybodaeth am y cyd-destun a'r ddealltwriaeth o sut i weithredu newid o'r fath yn ystyriaethau pwysig.

Ydych chi'n ariannu prifysgolion?

Nid fel arfer, ac nid ar gyfer eu gwaith craidd. Fel eithriad, efallai y byddwn yn ystyried cais gan uned arbenigol os ydych chi'n ganolfan ragoriaeth ac yn flaenllaw yn eich maes. Dylai eich gwaith:

- fod yn arbennig ac yn debygol o wneud gwahaniaeth ymarferol
- cynnwys partneriaethau gydag elusennau neu gyrff anllywodraethol
- meddu ar gyllideb nad yw'n cynnwys unrhyw gyfraniad i orbenion
- cyfateb yn gryf i'n buddiannau ariannu.

Faint alla i wneud cais amdano?

Ein isafswm grant yw tua £10,000. Nid oes uchafswm. Y llynedd, roedd ein grantiau'n amrywio o £5,000 i £150,000 a maint cyfartalog y grant oedd tua £100k. I gael syniad o'r math o grantiau rydym yn eu dyfarnu, edrychwch ar y rhestr grantiau (www.ellerman.org.uk/what-weve-funded/grants-list) ar ein gwefan neu ar (www.ellerman.org.uk/what-weve-funded/360-giving).

Am ba hyd y byddwch yn gwneud grant?

Mae'r rhan fwyaf o'n grantiau am ddwy neu dair blynedd, ond fel ariannwr ymatebol a hyblyg rydym yn barod i ystyried amserlenni gwahanol. Mae'r Tîm Grantiau wrth law i ateb unrhyw gwestiynau sydd gennych yn hyn o beth. Fel y soniwyd uchod, i gael syniad o'r math o grantiau rydym wedi'u dyfarnu yn y gorffennol, edrychwch ar y rhestr grantiau ar ein gwefan neu ar 360Giving.

Pryd yw'r amser gorau i mi wneud cais? Oes gennych chi unrhyw derfynau amser?

Ar gyfer y rhan fwyaf o geisiadau nid oes terfynau amser a gallwch wneud cais ar unrhyw adeg. Rydym yn gwneud penderfyniadau'n rheolaidd drwy gydol y flwyddyn.

www.ellerman.org.uk/uploads/201120-Application-Timelines-Explained.pdf

Mae gan rai meysydd gwaith, megis y Gronfa Amgueddfeydd ac Oriellau, derfyn amser ymgeisio blynyddol. Edrychwch ar y wefan i gael rhagor o wybodaeth am y rhain.

Pa mor gyflym y byddaf yn gwybod beth yw eich penderfyniad?

Byddwn yn cydnabod eich cais o fewn wythnos.

Mae gennym broses ymgeisio dau gam. Ein nod yw delio â phob cais cam cyntaf o fewn 10 wythnos, er y bydd y rhan fwyaf o bobl yn clywed yn gyflymach. Ar yr achlysur prin y bydd cais yn cymryd mwy o amser, byddwn mewn cysylltiad.

Gofynnir i ymgeiswyr ail gam wneud cais o fewn mis o gael eu gwahodd i wneud hynny. Dylech gael penderfyniad o fewn tri mis ar y mwyaf.

Pryd alla i ailymgeisio os ydw i wedi cael fy ngwrthod?

Blwyddyn o ddyddiad cyflwyno'ch cais.

Pryd alla i ailymgeisio os oes gen i grant? Ydych chi'n darparu cyllid parhad?

Yn y gorffennol, gofynnwyd i'r rhai oedd wedi derbyn grant i aros am flwyddyn ar ôl i'w grant ddod i ben cyn dod yn ôl gyda chais newydd am gyllid. Fodd bynnag, mae ein profiad o ddarparu cyllid yn ystod pandemig Covid-19 wedi ein harwain i atal yn barhaol yr angen i sefydliadau yr ydym yn eu hariannu gymryd seibiant cyn ailymgeisio i ni.

A allaf drafod fy nghais gyda chi cyn i mi wneud cais?

Rydym bob amser yn hapus i drafod ceisiadau posibl. Cyn i chi gysylltu, darllenwch ein canllawiau.

Oes rhaid i mi fod yn elusen gofrestredig i wneud cais?

Byddwn ond yn gwneud grantiau i elusennau cofrestredig, eithriedig neu esempt. Fodd bynnag, byddwn weithiau'n gwneud eithriad os teimlwn fod y sefydliad mewn sefyllfa unigryw i helpu i gyflawni ein hamcanion ariannu. Rydym yn galw hyn yn brawf 'dim ond nhw all ei wneud'.

Beth mae'n ei olygu pan ddywed y Sefydliad eu bod yn ariannwr Cyflog Byw?

Rydym yn Ariannwr Sy'n Gyfeillgar i Gyflogau Byw, sy'n golygu ein bod wedi ymrwymo i fynd i'r afael â chyflog isel drwy annog y sefydliadau rydym yn eu cefnogi i dalu'r Cyflog Byw go iawn.

Gallwch gael rhagor o wybodaeth am y Cyflog Byw yma:

<https://www.livingwage.org.uk/what-real-living-wage>

Caiff y Cyflog Byw Go iawn ei ddiweddarau'n flynyddol ym mis Tachwedd, ac ar hyn o bryd mae'n cael ei gyfrifo fel £9.50 ledled y DU a £10.85 yn Llundain.

Rydym am gefnogi derbynwyr ein grantiau i dalu'r Cyflog Byw i'w gweithwyr fel yr amlinellir uchod. Ystyriwch hyn wrth wneud cais am gyllid i dalu am gyflogau yn eich cynigion. Efallai y bydd y Tîm Grantiau yn awgrymu newidiadau i gyllidebau lle credwn nad yw'r Cyflog Byw yn cael ei gynnig.

Beth allaf ei wneud os ydw i'n anhapus ynglŷn ag unrhyw gam o'r broses ymgeisio?

Os oes gennych chi unrhyw bryderon neu sylwadau yn ymwneud â'ch profiadau drwy unrhyw gam o'r broses ymgeisio, dylech eu cyfeirio at ein Pennaeth Grantiau, Dorothee Irving (dorothee@ellerman.org.uk).

Am ba hyd y bydd yn rhaid i ni aros cyn derbyn arian ar ôl i gynnig gael ei gymeradwyo?

Ein nod yw dosbarthu taliad cyntaf grant cyn gynted â phosibl ar ôl derbyn a chymeradwyo'r manylion banc gofynnol fel y nodir yn y llythyr cynnig. Yr unig adeg y caiff hyn ei ohirio yw os oes amodau ar y grant, er enghraifft: mae'r grant yn daladwy wrth recriwtio i rôl.

Pwy sy'n gwneud y penderfyniadau ar wahanol gamau'r broses ymgeisio?

Mae'r Tîm Grantiau yn cynnal gwiriadau cymhwysedd syml pan gyflwynir cais a gallant wrthod cynigion ar y pwynt hwn os nad ydynt yn pasio'r profion hyn. Ymddiriedolwyr sy'n gyfrifol am yr holl benderfyniadau ar y cam cyntaf a'r ail gam ac fe'u cynorthwyir gan y Tîm Grantiau, i'w helpu i wneud y penderfyniadau hyn

6. Sut i wneud cais

Cyn i chi wneud cais

Cyn i chi wneud cais, gwnewch yn siŵr eich bod wedi darllen ein canllawiau ariannu yn ofalus i sicrhau bod eich sefydliad yn gymwys a bod eich gwaith yn bodloni ein blaenoriaethau ariannu.

Rydym yn derbyn llawer mwy o geisiadau nag y gallwn eu hariannu. Yn anffodus, mae hyn yn golygu, hyd yn oed os yw eich gwaith yn cyfateb i'n meysydd diddordeb, efallai na fyddwn yn gallu gwneud grant.

Os nad ydych yn llwyddiannus, byddwn yn gofyn i chi aros am flwyddyn cyn i chi ailymgeisio. Felly, mae'n bwysig gwneud yr achos gorau y gallwch yn y cam cyntaf.

Mae dau gam i'r broses ymgeisio:

Cam 1

1. Llenwch gynnig dwy dudalen A4 gan ddefnyddio maint ffont 10/11 o leiaf gyda'r penawdau canlynol:

- Crynodeb byr o nodau a gweithgareddau eich sefydliad
- Sut mae eich cynnig yn bodloni ein gofyniad bod y gwaith o arwyddocâd cenedlaethol
- Yr hyn yr hoffech i ni ei ariannu a pham yr ydych mewn sefyllfa dda i wneud y gwaith hwn
- Sut mae eich cynnig yn cyd-fynd â'r meini prawf ar gyfer y categori perthnasol rydych yn gwneud cais oddi tano

2. Sicrhewch fod gennych gopi o'ch cyfrifon blynyddol diweddaraf wrth law.

- Bydd angen i chi uwchlwytho copi o'ch cyfrifon archwiliedig diweddaraf
- Os yw dyddiad diwedd blynyddyn eich cyfrifon dros 10 mis yn ôl, byddwn hefyd yn gofyn i chi uwchlwytho eich cyfrifon rheoli diweddaraf.
- Os yw eich cyfrifon yn dangos gwarged neu ddiffyg sylweddol, cronfeydd wrth gefn uchel neu isel, byddwn yn gofyn i chi roi esboniad byr.

3. Mae ein porth ar-lein ar gael drwy ein gwefan, a gallwch greu cyfrif ar-lein ([yma](#)). Drwy eich cyfrif ar-lein gallwch wedyn uwchlwytho eich cynnig cam cyntaf a gwybodaeth ariannol.

Rydym yn gwneud penderfyniadau ariannu drwy gydol y flwyddyn felly gallwch wneud cais ar unrhyw adeg. Fodd bynnag, os ydych yn gwneud cais i'r Gronfa Amgueddfeydd ac Orielau mae dyddiad cau blynyddol a phroses ymgeisio ar wahân, felly edrychwch ar ein gwefan am fanylion.

Unwaith y byddwch wedi creu eich cyfrif ar-lein ac wedi uwchlwytho eich cais cam cyntaf byddwch yn derbyn cadarnhad ar unwaith. Byddwn yn cysylltu â chi o fewn pythefnos i roi gwybod i chi a yw eich cynnig yn gymwys.

Cam 2

Os bydd eich cais yn mynd ymlaen i'r ail gam, byddwn yn gofyn am gynnig manylach a gwybodaeth ychwanegol. Yna byddwn yn trefnu i gwrdd â chi i gael gwybod mwy am eich gwaith.

Yn yr ail gam hwn, ein nod yw gwneud penderfyniad o fewn tri mis. Os bydd eich cais yn cymryd mwy o amser, byddwn mewn cysylltiad.

Cyngor pellach

Os nad ydych yn siŵr a ydych am wneud cais neu os oes angen rhagor o wybodaeth arnoch am y broses ymgeisio, ffoniwch ni ar 020 7930 8566 neu e-bostiwch philee@ellerman.org.uk.

Gallwch ddod o hyd i fanylion llawn dau gam ein proses ymgeisio yma (www.ellerman.org.uk/uploads/John-Ellerman-Foundation-1st-and-2nd-Stage-Application-Forms.pdf)..